

地方新聞

交涉家

江督咨商外部准否洋鹽入口 (南京) 聞江督咨外部云據滬道稟稱五月初六日美商吉時洋行赴新關報由英國第六萬五千四百八十號博西雅輪船運來食用洋鹽十餘件計重十擔五十斤請放進口現稅則以洋鹽一項除零碎瓶裝洋鹽准予征收放行外似此多數食鹽向來不准進口礙難放行後又由英國領事照會到關謂此項洋鹽係為本國海軍日用所需請准進口起存關棧隨時提運應用等因好博遜君查得去年四月間法商立興洋行經報進口駐津德營食用洋鹽二百袋計重一百四十二擔一起始雖照約駁回嗣經駐京法使商請外部允准奉飭驗明加封放行有案事同一律似應援此成案准其通融稅起存關棧隨時提用以救陸軍而昭公允惟究竟是否可行尚祈斟酌辦理云云尚未知外部如何辦理

按洋鹽入口之弊一開則印鹽必盛行而土鹽必銳減昔曾有一某西人語政府以厚利謂准印鹽入口由官專賣歲可增千萬之鉅後洞知其弊說遂不行此次江督之咨商外部雖曰軍用食鹽與私販洋鹽不同然未始非杜漸防微之意也

江督批饒九江詳文 (為飭照會英領亞細亞公司在九江開設油池聲明免捐事) (江西) 詳及章程均悉查洋商在漢口丹水池建設油池成案訂有章程十四款至為周密其第一二款報效捐款一節另訂合同聲明每加倫鐵錢七分半惟嗣後如中國官憲允准別人建設油池並免其繳納此項捐款則丹水池火油池公司亦即照例現議捐項一律豁免等語并准湖廣督部堂咨各在沿江一帶建造油池若一處章程稍異則漢口已成之捐必為牽動請飭各關如有議建油池者務照漢口成案一律辦理嗣後英商在鎮江建池即照漢章議訂惟每加倫鐵錢七分半一層層商未允當經鎮江關道與鎮江池暨不援漢章加倫鐵錢則漢池亦不准援漢章免按加倫鐵錢以昭公允而免牽動聲明批准各在案今核閱該關局所送章程雖與漢章大略相同惟免捐一事未經切實聲明恐漢章或致牽動前據蘇州關局詳送會議亞細亞油池章程亦未將加倫鐵錢一節切實提議當批飭照鎮江辦法聲明兩不牽涉以免援成局業據該關局詳復照會英領事承認蘇州池他處不得援例藉口在案茲將蘇州關局詳及清摺隨批抄發仰即查照會英領事務得該領復文備案以為正據並專案具報備查至保險保單漢鎮均十萬兩現章遠減為一萬兩亦與成案不符惟近來蘇州章程亦係擔保二萬兩該章既經簽押應無庸議併即錄批報明撫部院暨候核外務部核示遵辦章程存

政 家 廷寄密查閱會參款 (南京) 昨有廷寄飭江督端午帥將閩浙總督制軍被參各款按照原參情形逐一查明據實

醫藥以憑核辦

王丞堂建議清查京師戶口辦法 (京師) 新簡外城總廳廳丞王仲湘丞堂自視事後以京師地面寥闊警察難周責任繁重擬實行清查戶口以為預防之計惟因中國向無戶籍專法京師又多親貴豪右阻力甚大辦理頗多窒礙現擬辦法分爲三等其親王尚侍貝子貝勒者爲第一等由部移文請其將戶口自行查復其二三品京員以上暨各學長局所衙署爲第二等由廳派員面行詢問註冊其平民及各項營業商店爲第三等則出示令其一律到廳呈報註冊如暫時並此向辦不到則只先查戶而不查口並一面請示部堂速行編制戶籍專法一俟擬妥後即行會同法部具摺入奏請 旨頒布各省一律實行

高郵減收串捐之原因 (清江) 揚屬八州縣糧串除原捐五文外每串加收十文以五文撥充府學經費以五文留爲本邑興學業經該府高郵守稟准江督從本年下忙起試辦一年茲聞高郵江牧因該州串捐前已加過五文若再加十文合之原捐五文是每串需捐二十文矣民力實有未逮故特稟請上峯將飭加之十文改收五文以紓民困

電控上猶縣 (江西) 上猶縣陳令壽琳因此次奉匪滋事辦理不善業經省憲撤任調省現南安府學界以社學長李翹被拳匪殺死有某匪持頭至縣署陳令并賞銀牌紅布以致匪徒益張毀壞學堂搶劫商民等情迭次電稟大吏嚴究云

安東令奉飭摘頂 (清江) 蘇撫陳中丞以安東縣半月之內連劫之案層見迭出該縣身膺民社所司何事一任盜賊橫行無忌劫掠頻仍失事已久一犯未獲捕務屬廢弛當飭藩司將該令頂戴摘去以觀後效

委員密查玩視新政 (江西) 江西萍鄉縣在大令都良自到任以來於地方學務警察戒烟稅契諸政毫不整頓且又違禁擅用門丁縱放匪犯由在籍紳士列款稟陳大吏現已委員前往該縣按察密查矣

德商來贖承攬新軍餉械 (江西) 贛省現因添練陸軍亟須添購餉械甚多上海逸信洋行經理德人錫伯訥運動駐滬德總領事若函并携帶新式快槍子彈等件乘輪來贛承攬交易云

軍 事 家

德參贊閱操再誌 (山東) 德參贊威同赫以急於回京故閱看五鎮操演之期不及待至十三日舉行現於十二日午前由洋務局營務處兩總辦同赴五鎮閱操畢並觀看鎮中一切內容該德員甚爲嘉許聞一二日內即須由德州赴京云

擬設陸軍員弁傳習所 (江西) 贛省現在添練混成一協陸軍人才異常缺乏聞大吏擬在教練處內附設陸軍員弁傳習所挑選曾經肄習武學人員入所研究砲工輜重等科以備任使

巡防隊挑選陸軍 (江西) 贛省改編巡防軍隊分爲前左右後四路前路尚缺三營擬定由陸軍一標內挑選現已由

一標一營內挑選軍士二百數十名編爲前路前營其中後兩營須俟陸軍二三兩營由贛南拔隊回省時方能挑選改編云

陸軍學生酌量撥入分科之辦法 (蘇州) 蘇州盤門外陸軍學堂第一次學生普通學期已滿紛紛要求分科該堂監督蘇謙擬擬新軍所購辦馬工砲輜各器械到齊藉可借用無奈普通學期已逾三月而各科器械尚未籌辦衆學生要求不己商酌變通辦法第一次所招八十人盡入步兵科決議於明夏畢業第二次所招八十人分認工砲馬砲四科

第一標軍事彙誌 (杭州) 三統帶六橋前由民政部電調赴都辦理警察現統帶已稟請藩憲轉詳咨赴都惟聞軍界中人以統帶任事以後大加改良其政策尤著者莫如武備畢業生概行錄用不使閒散故軍事爲之一振聞軍界中人擬聯名稟留在杭云

學 家

陳提學將至 (南通州) 寧提學司陳子勳學使定於十八日在寧啓行至滬準於二十日到通查閱各學已由勸學所傳知各學校豫備一切矣

衍聖公旋里 (山東) 衍聖公奉 旨稽查山東學務來省已久現定於十三日回曲阜故里省垣學界中人於十二日在題筆堂演戲一日公饒行旌並聞衍聖公列查各學堂後謂管理員教員學生等均甚腐敗年內爲時太促不及辦理一切擬遲至明年再行來省設法改良又謂學堂所定章程均未盡善亦須酌改蓋不知爲欽定章程本如是也

省視學辭差洩聞 (蘇州) 蘇學司毛實君學使札派省視學員侯君寶三分往各屬調查學堂茲悉侯君於日內由常州返省以所看各校均不滿意報告之後頗多反對因恐力難整頓上稟辭差呈請學司另派賢員接代云

委員研習政治 (南通州) 通州分府委員二十餘人稍通文理者實不少觀關網之直刺擬設一政治研究館派訓導汪家玉爲教習飭令各委員入館學習俾其稍知政治之原理

津省擬以什學館改辦法政學堂 (河南) 日前撫院接准憲政編查館咨稱議覆趙侍御炳麟條奏請飭各省速設法政學堂除各項出途出身學堂畢業會任實缺人員外餘凡納捐保舉初任道府牧令丞佐佐武各員一律入堂學習分長期速成兩班長期三年畢業速成一年卒業由督撫認真考核合格者分別赴任差委不合格者再當留堂學習一年仍不合格者停止差缺其月選分發人員已在吏部學治館畢業者到後仍須入各省法政學堂俾宏造就聞林帥急欲即將現在任學館改辦云

法政學堂添請教習 (事竣) 甯都法政學堂日前幾至罷課由某學生暴動也該校教習祇有陳仲文司馬一人又兼

雜 記

商會未派代表赴滬之原因 (河南) 上海商會此次開大會議商法草案一事津省商會本有派代表赴滬奉議之意惟以津省商學不講通品甚少無裨商權若於商界外另覓他人則未免商權旁落初八日滬上商會來電催行聞電復以「敝會學疎無裨參議會議提議各件一律贊成」等語回覆云

鄉民違抗抗捐 (河南) 汴省因開辦車捐十月實行定章凡城鄉推物買賣小車亦須一律納稅惟以鄉民四處漫無頭緒可稽因定在城門口稽查凡入城小車一律取稅十文隨給車票爲憑不圖日前前方擬抽收各鄉愚羣以進城未帶車錢爲辭責之既急則棄車以去聲言若貨物有失惟爾是賠一時集車百數十輛城門爲阻不通出入當事只得暫允不抽任其入城現方別籌舉辦法

西清沉輪尚未撈起 (江西) 官輪局西清輪船在翻湖火險山地方被撞沉沒各情詳報前報該輪上層已經官輪局派人撈起拖往星子縣看管其下層尚沉在水中官輪局偵銅元局監工委員耿子總朝泰多方起撈仍未淨又在漢口聘請工匠多名前往設法打撈矣

札局趕修水關 (蘇州) 前報紀園門水關上城墻於十二日驟然坍塌各節茲悉業由該門督查阮仲明大令稟報臬司即由陸申甫廉訪札飭善後局工程司趕緊前往估勘工程興工修築云

加札委充淺水兵輪總巡各軍 (蘇州) 前由兵備處提調謝桂卿別駕定造靖湖兵輪委中守管帶後另委方春山都戎駐船管駕近來該輪專司迎送官長並不注意巡緝味覺虛糜經費故由巡防營務處以現在各處梟匪四出各要隘雖分派防營究恐各員弁擅離防次故即加札委令方都司專司巡查飛划全軍云

偵探洪湖大幫窮民 (清江) 近來洪澤左近蔣堪等處搶劫禁制之案時有所聞提台王聘帥訪得該湖現有去歲飢民二千人左右乘坐小船往來游戈恐有匪徒匿迹其中特飭洪湖都司楊如春帶兵往查密切偵探匪即拿惟不得擾累良善致干不便並派李中軍率領師船前往同查緝

奏 月 上 歲 月 了 事 負 心 十 月 十 一 日 用 誌

最近日本警察要論 全一冊是書係日本警察名家撰述其內容詳盡且多實例...

發行所 上海南京路...